

جريدة محاكم

١٢٩٠

مسائل

تومرو	شوال	سنه	اغستوس	سنه	صفیفة
١٦٦	٢٩	١٢٩٩	٣١	١٢٩٨	١٣٢١

* اشبو غزته بهر هفته صالی کونلری چیقار . سنه لکی مجیدی ایچه التمش غروشدر بهر نسخته سی التمش
 * پاره مجیدی به اوله رق هر برده صاتیلور . درج اولنه جق اعلاناتک بهر سطرندن ایکی غروش النور .
 * سنه لکنه مشتری اولق استیانلر عدلیه نظارت جلیله سی اوراق مدیر لکنه مراجعت ایملیدر

(توجیہات عدلیه)

بغداد ولایتی عدلیه مفتشلکی حلب ولایتی عدلیه
مفتشی سابق عزتلو رشید بکه

حلب ولایتی عدلیه مفتشلکی سوریه ولایتی محکمه
استینافیہ سی جزا دائره سی رئیس سابق عزتلو
آصف افندی به

دیار بکر ولایتی عدلیه مفتشلکی اطنه ولایتی محکمه
استینافیہ سی رئیس سابق حافظ محمد رشیدی
افندی به

انقره ولایتی محکمه استینافیہ سی مدعی عمومیلکی
قسطنونی استیناف محکمه سی جزا دائره سی ریاستندن
منفصل رفعت بکه

اطنه ولایتی محکمه استینافیہ سی جزا دائره سی ریاستی
یمن ولایتی محکمه استینافیہ سی رئیس سابق محمد هلال
افندی به

وان ولایتی محکمه استینافیہ سی مدعی عمومیلکی
یمن ولایتی مدعی عمومی سابق حلمی افندی به
توجیه بیورلشدر

(یوز التمش بشنجی نومرولی جریده محاکمه)
(مندرج اعلامک بقیه سی)

قدر بر منطوق ظهر سند بالکر او چیوز طقسان بش
لیر اتسلیم ایتدک بونک بکرمی بش بچق لیراسی طقسان
درت سنه سی کانون اول فائضنه و او چیوز التمش
طقوز بچق لیراسی دخی رأس الماله محسوب ایدلش
و مقدا و قوعبولان مصارف محاکمه مقابلی اوله رق
کذلک اعطاسی مشروط اولان اون لیرا دخی
التمش و حالت پاشانک مؤخرأ و قوع وفاتی جهته
بالطبع حواله مسئله سی اجرا اولنه میه رق کیرو قالش
اولدیغنی سردایله بر منوال محررنجیب پاشا حاضر تدرندن

حواله ایلدیکی ایکوز اوتوز لیرا ایچون موکلی نامنه ویرلسی لازم کلان برقطعه سندک اعطاسی و باقی رأس المالدن مطلوبی اولان ایکی بیک یوز الی الی لیرانک دخی طقسان درت سنه سی کانون ثانسی ابتدا سندن اشبو استدا تاریخنه کلنجیه قدر بوجه مقاوله کیسه سی اوچ غروش یکر می اوچ پاره دن واندن صکره حین تسویه سنه دکن قانوناً یوزده بردن ایجاب ایدن گذشته سیله برابر هر قومدن استیفا سی خصوصاً ینک تحت حکمه الیسنی طلب ودعوی و فی ۱ مارت سنه ۹۱ تاریخی و صراف ماروشیان کرکور امضا و کرکور مهرلی برقطعه عتیق سند و دأرنک فی ۱۴ حزیران سنه ۹۴ تاریخی برقطعه اعلام غیابیسی ایله فی ۱۳ کانون اول سنه ۹۴ تاریخی و كذلك ماروشیان کرکور امضالی دیگر جدید برقطعه سند اراز و اعطا ایتکله لدی المطالعہ چله سنک مندرجاتی مدعی وکیلنک افاده مشروحه سنی مصدق بولنش اولغله نه دیه جکی وکیل مسخر حاجی علی افندی ن صورتلده اشبو سندلده کی امضا ایله اساس دینی انکار ایلش ایسه ده اولیاده منتخب میرلز طرفندن و یریلان راپورطوده مذکور ایکی برقطعه دین سندلده کی امضای مدعی علیه مذکور احضار و ورقه لینه موضوع امضای ینک عینی ایدوی کوسترلمش و عند السؤل هر ایکی طرف بشقه بر دیه جکری اولدیغی جواباً سویش اولملریله محاکم لیرنک ختام بولدیغی افاده اولندی

ایجابی لدی التامل مدعی وکیل عوادیس یوردامیان افندی ک استدا و افاده سنه و ذکر اولنان سندت و اعلامک متن و ظهیری مؤدارینه نظراً موکلی اجد افندی ک مدعی علیه ماروشیان کرکور افا ذمتده رأس المالدن ایکی بیک سکر یوز و بوجه مقاوله

کیسه سی اوچ غروش یکر می اوچ پاره دن طقسان درت سنه سی تشرین ثانسی غایتنه قدر تراکم ایدن گذشته سندن اوچ یوز الی لیرا که جمعاً اوچوز الی لیرا محکومه الاجبی اولدیغی برمنوال محرر تجدید سند اولندقدن صکره رأس الماله محسوباً ایکی قلم التیوز قرق درت و سنه مرقومه کانون اولی غایتنه دکن تراکم ایدن گذشته سنه مقابل دخی تقدماً یوز یکر می و نجیب پاشا حضرتلرندن حواله ایکوز اوتوز و حالت پاشا هر قومدن یکر می بش یجق لیرا که من حیث المجموع اوچوز یتش بش یجق لیرا مقبوضی بولدیغی اکلاشلش و مذکور ایکی برقطعه سندده کی امضای وکیل مسخر جانندن انکار اولنش ایسه ده بولنده اولان امضای مدعی علیه تبلیغ اولنان احضار و ورقه لینه موضوع امضای عینی اولدیغی اولیاده منتخب میرلز طرفندن و یریلان مارالذکر راپورطوده کوسترلمش اولدیغندن شو حالده اساس دین اولان ایکی بیک سکر یوز لیران موکلنک مقبوضی اولدیغی مدعی وکیلنک تحت اعتراضده بولنان ایکی قلم التیوز قرق درت لیرا بالتزلی باقی ایکی بیک یوز الی لیرا طقسان درت سنه سی کانون ثانسی ابتدا سندن تاریخ استدایه یعنی طقسان یدی سنه سی حزیرانک یکر میسنه قدر بوجه مقاوله کیسه سی اوچ غروش یکر می اوچ پاره دن واندن صکره طقسان یدی سنه سی تموز ینک اون دردینه دکن قانوناً کیسه سی بش غروش حساب ایدیلان درتیوز یتش لیرا گذشته ضمیمه بالغ اولدیغی ایکی بیک التیوز یکر می الی لیرانک مارالذکر التیش الی لیرا که اون الی غروش سند جزای نقد سیله برابر مدعی علیه ماروشیان کرکور اغادن بالتخصیل مدعی اجد افندی به اعطاسنه و حین استیفا سنه دکن رأس المال ایچون بشقه جده

گذشته یورداسنه و برمنوال محرر نجیب پاشا حضرتلرندن حواله اولنان ایکوز اوتوز لیرا ایچون دخی مدعی علیه ک مدعی اجد افندی نامنه برقطعه سند اعطاسیچون مجبور طولسنه وز یرده مفرداتی محرر یوز قرق غروش مصارف محاکمه ایله برابر مدعی علیه طأ اولوق اوزره الی یدی لیرا اون غروش اعلام و ایکی مجیدیه صورت و تبلیغ خرج لیرنک مدعی دن التسنه قابل اعتراض اوله رق فی ۱۴ تموز سنه ۹۷ تاریخنه غیاباً و متحداً و یریلان قرار مدعی وکیلله وکیل مسخره تفهیم قلندی

(محکمه تمیز جزا دأره سندن فی ۲۳ شعبان)
(سنه ۹۹ و فی ۲۸ حزیران سنه ۹۸ تاریخی)
(اعلامک صورتیدر)

مقرری قریه سنه ساکن سلیمان افندی طرفندن اعطا اولنان عرضحال باش مدعی عمومیلک مأموریت بیه سندن فی ۹ رجب سنه ۹۹ و فی ۱۵ مایس سنه ۹۸ تاریخی تبلیغنامه ایله محکمه تمیز جزا دأره سنه اعطافلشدر

مذکور عرضحالده مومی ایله سلیمان افندی ک چکمه صغیر قضاسی بدایت محکمه سی حقنده و یرمش اولدیغی اشتکا عن الحکام استدای سنک چتالجه بدایت محکمه سنجه قبول ایدلمش اولدیغی جهتله حال عوادیس طرفندن قضاء مذکور بدایت محکمه سنده علیه افاده اولنان ناموس دعوا سنک دیگر محکمه به نقلی استدا اولمشدر

ذکر اولنان تبلیغنامه مالی دخی استدای مذکور اوزرینه کیفیت محلندن لدی الاستعلام مستدعی مومی الیه ک اشتکا عن الحکام استدای قبول

اولهوق اصولاً مشتکا عنه اولان محکمه مزبوره به تبلیغ قلندیغی استدای مذکور مر بوط اولان فی ۹ مایس سنه ۹۸ تاریخیله مورود تلغرافنامه دن اکلاشلدیغی استیفا محکمه سی مدعی عمومیلکنندن ظهیر استدایه یازیلان درکنار دن اکلاشلش اولدیغنه و شو حالده ماده مشتکا بهادن طولایی مستدعی مومی ایله محکمه مزبوره بیننده خصومت طبیعی اوله رق بوایسه اصول محاکمات جزاییه قانون موقتک درتیوز اوتوز دردیجی ماده سنک فقره اخیره سنده بیان اولدیغی اوزره اسباب مقبوله نظامیه مستند بولندیغنه و اصول محاکمات حقوقیه قانون موقتک ایکوز التیش سکرنجی ماده سنده دخی مشتکا عنه ایکوز التیش یدیجی ماده ده بیان اولنان استدا و قرار نامه صورتلری کندوسننه تبلیغ اولندقدن صکره ارتق اعضا سندن اولدیغی محکمه ده بولنه جق کرک مشتکینک و کرک اقر باسندن بر ینک دعوا لینه قطعاً مداخله ایدمه جکی محرر بولنش ایدوکنه مبنی اصول محاکمات جزاییه قانون موقتک درتیوز اوتوز بشجی ماده سی ایجابجه اسباب مشروحه به نظر ادعوی مذکور ننگ اودرجه ده بولنان دیگر مناسب بر محکمه به نقلی طلبندن عبارت بولمشدر

ایجابی لدی المذاکره صورت حاله نظراً مستدعی مومی ایله محکمه مذکور بیننده خصومت طبیعی اوله رق بوایسه اسباب مقبوله نظامیه مستند بولندیغنه مبنی اصول محاکمات جزاییه قانونک درتیوز اوتوز دردیجی ماده سی موجبجه دعوا ی مذکور ننگ در سعادت بدایت محکمه سنه نقلنه قرار و یرلدی

(فی ۱۴ نisan سنه ۹۸ تاریخه ایکنجی محکمہ)
(استیناف تجارت قسمندن و یریلان اعلامک)
(صورتیدر)

طوبخانه ده قلیج علی پاشا محله سنده مقیم تجاردن
ابراهیم ادهم افندی ایله بیننده متکون دعویاه دأر
ایکنجی محکمہ تجارتک فی ۱۸ ربیع الآخر سنه
۹۹ تاریخلی قراری علیهنه اعتراضی حاوی غلطه ده
کبری باشنده مقیم صراف ابراحام افا کورجیانک
و کیلی عوادیس قولولیان امضاسیله اعطا قلنان
عرضحال فی ۴ جادی الاولی سنه ۹۹ تاریخده
محکمہ استیناف تجارت قسمنه حواله اولمش و باغچه
قیوسنده طاش خاننده قرق نومرولی او طه ده مقیم
صراف قره بت مزادوریان باسند مصدق کفیل
کوسترلمش اولغله مستأنف قولولیان عوادیس
و برادری ماردریوس و مستأنف علیه بختیار اغوب
افندیلر باسندات مصدق توکیل ایلدکلرندن اوراق
لازمه مواجهه لنده قرائت اولندی

استینافاً رؤیتی استدعا اولمشدر

قرار مستأنف بهک مفادی صراف ابراحام ابراهیم
ادهم افندی ایله جریان ایدن محاکمه لنده یوز الی
درت لیرا سکسانیدی غروشک مرقوم ابراحامدن
تحصیلنه دأر غیباً و یریلان قرار علیهنه مرقوم
ابراحام اعتراض ایلدیکندن طرفین جلب ایله
محاکمه لینه ابتدار اولندقدنه معترض و کیلی معترض
علیهک کشیده ایلدیکی پروتستوده موکلی ایله معترض
علیهک برادری بیننده جریان ایدن معامله استقراضیه تک
حسابی رؤیت ایلدیلور ایسه موکلنک فاحش فائض
اوله رق معترض علیهک برادری حسنی بکه یوز الی
درت عدد عثمانلی لیراسی بورجی تین ایده جکی محرر
بولمش و محکمه یه و یریلان عرضحالده ایسه برادرینک

نامی مستعار اولوب اصل مستقرض کندوسی اولدیغی
جهتهله فاحش فائض اوله رق اعطا اولنان یوز الی
درت لیرانک تحصیلنه حکم اولمش معترض علیه جانبدن
طلب ایلمش و اثنای محاکمه ده دخی اصل مدیون طرفندن
یوزده بر بچق فائض قبول اولمدیغی حالده بالآخره یوزده
یارم اوله رق النار فائضی اعاده ائنگ اوزره موکلنک
و عد شفاهیسی وقوع بولدیغی و اصل مدیون قبول
ایتمکده اولدیغی جهتهله بر موجب تعهد مبلغ مزبورک
موکلنک اعاده الیسی ادعا ایلمش و بنا علیه معترض
علیه و کیلنک افاداتی ایله مأل عرضحال و پروتستو
یکدیگرینه مابین اولمشیه دعواده تناقض بولمش
اولدیغی جهتهله معترض علیه و کیلنک استدعا سنک
ردی لازم کله جکنی تذکار و معترض علیه و کیلی موکلنک
اعطایا ایلدیکی عرضحال مندرجاتی فاحش فائض
اوله رق اعطا ایلدیکی یوز الی درت لیرانک تحصیلنه
حکم اولمشی طلبدن و کشیده ایلدیکی پروتستو مالی
ایله اثنای محاکمه ده وقوعه کلان افاده سی دخی بیان
حالندن عبارت اولوب بونده تناقض دعوی اولدیغی
و موکلی مبلغ مدعای شرت تحتنده اوله رق معترضه
و یردیکی جهتهله ادعای کبی مارا ذکر یوز الی درت
لیرایی معترضک با مقاوله شفاهییه الوب المدیغنک
معترض و کیلی طرفندن بیان ایلمسی لازم کله جکنی
اخبار و معترض و کیلی دخی معترض علیه و کیلنک
افاده سننه نظراً موکلی ایله معترض علیهک برادری
بیننده وقوعه کلان معامله استقراضیهک حسابی قطع
ایلمش و بومقوله قطع ایدیلان معامله استقراضیهک
حسابلرینک تکرار رؤیتی جائز اولدیغی مراجعه
نظامنامه سی احکامندن بولمش اولدیغندن معترض
علیهک موکلندن نسنه مطالبه یه حتی اوله میه جعی
جهتهله جواب اعطاسنه مجبور اولمدیغی و برابر ایلدیکی
پروتستو نامه دخی صورت افاده سی مؤید بولمادیغی

از بار ایلمر یله لدی التذکر معترض علیه و کیلی طرفندن
بروجه مشروح در میان اولنان ادعایه جواباً معترض
و کیلی قطع معامله ایلدیکدن صکره مراجعه
نظامنامه سی احکامنه شخص مدیونک فاحش فائض
طلبه حتی اوله میه جفندن اعطای جوابه مجبور
بولمادیغی جهتهله معترض علیه و کیلنک استدعا سنک
ردی لازم کله جکنی ادعا ایلمش ایسه ده معترض علیه
و کیلی گذشته دن مقدار فاحش موکلنک برادری حسنی
بک طرفندن قبول ایلدیکی حالده اعاده ایتک شرطیله
و یردیکنی سو یردیکنه و فی الحقیقه قطع معامله
ایلدیکدن صکره شخص مدیونک فاحش فائض
اوله رق و یردیکی مبلغی استزاده مراجعه نظامنامه
سنک بند مخصوص اقتضاسنه حتی اوله میه جعی
در کار ایسه ده معترض علیه و کیلنک افاده سی کبی
مذکور یوز الی درت لیرا اصل مدیون طرفندن
قبول اولمادیغی حالده اعاده ایتک شرطیله اعطا قلنش
اولدیغی ثبوت بولور ایسه بند مذکور حکمندن
معترضک استفاده ایده مامسی لازم کله جکنه مبنی
بو یولده موکلنک و عد شفاهیسی اولوب اولمادیغنه
دأر اعطای جوابه معترض و کیلنک مجبور یئنه
متفقاً قرار و یردیکنی متضمندر

مستأنف و کیلنک لایحه سی خصمی کویا ایفای دین
صره سنده یوزده یارم فائضی برادری حسنی افندی
قبول ایتز ایسه رد ایده جکنی و عد ایتش اولوب
حالبو که خصمنک کوندردیکی پروتستوده صاحب
دین حسنی افندی اولدیغی بیان ایلدیکی و محکمه یه
و یردیکی استدعا سنده حسنی افندی نامی مستعار
اوله رق اصل دین صاحبی کندوسی ای دوکنی
تصریح ایلدیکندن بو یله امضاسی تحتنده عرضحال
میدانده اولدجه ارتق حسنی افندی قبول ایتز ایسه
اعاده ایده جکنه دأر هیچ برکونه شرط و مقاوله تک

و وقوعه محل قالیه جعی کبی رضای طرفین ایله قیادلمش
اولان بر حسابک اعاده سی دخی جائز اوله میه جعی
جهتهله قرار مذکورک فسخی طلبنی حاو یدر
مستأنف علیه و کیلنک لایحه جوایه سی موکلی ادهم
افندی تک نامی معامله واقعه ده مستعاردر دینلمکله
برادری حسنی افندی دن استفسار کیفیته عدم
صلاحیتی بیان ایتک جائز اوله میه جفنه و (رضای
طرفین ایله قیادلمش بر حساب) عباره سنک عقد اوله
شمولی اولوب فاحش ک گذشته فرقک اعاده سی
حقنده اولان عقد حکمنه معطوف اولدیغی ییلنرک
ارتق جوابه مجبور دکلم دینلسی یولسز کورندیکنه
و خصم اولق کلفتنی کندولری بک ساده بر نظره قانونده
کوره یله جکلرندن خصومت توجه ای دوپ ایتیه جکی
مسئله سنی قاله یله المق فضله ای دو ککنه مبنی قرار
مزبورک تصدیقنی محتو یدر

طرفین استجواب اولندقدنه لایحه لری مندرجاتنی
تکرار ایله اکتفا و اولنان سؤال اوزرینه بشقه
بردیجه جکلری اولمادیغی ایتیان و ایتا ایلدکلرندن
محاکمه لرنک ختام بولدیغی طرفینه افهام اولندی
(بقیه سی صکره)

اعمالیات

ایاصوفیه ده اسحق پاشا محله سی ساکنلرندن چرکسی
حاجی اسماعیل اوغلی سلیمان اغانک در سعادت امنیت
صندیغندن استقراض ایلدیکی مبالغه مقابل رهن ایتش
اولدیغی بش عدد یلدیز ایکنه تک بالزایده فروختی
امنیت صندیغنی طرفندن استدعا اولمش و مدیون مرقوم
فائب اوله رق اخبار نامه سی اقامتگاهنه تبلیغ قلنش
اولدیغندن مدیون مرقوم تاریخ اعلاندن اعتباراً
اوج ماه قدر اثبات وجود ایتدیکی و تسوییه دین

انديکي صورتده مرهونات مذکورہ نك فروخت اولنه چغی در سعادت بدایت محکمه سی اجرا مأمور یئندن اعلان اولنور

فی ۱۴ اغستوس سنه ۹۸

فاطمه زهرا خانمک عبدالقادر افندی ذمتنده با اعلام الاجغی اولان مبالغ معلومه نك تسویه سیچون مدیون مومی الیهک اسکدارده حاجه حسنا خاتون محله سنده پاشا لیمانی جاده سنده یوز اوتوز بش نومرو ایله مرمر اولان بر باب خانه سنك فروختی مقرر اولغله تاریخ اعلانن اعتباراً اون بش کون صکره مزایده سنه مبادرت اولنه چغی اسکدار اجرا دائره سنندن اعلان اولنور

فی ۲۸ اغستوس سنه ۹۸

قسطنی لامیرینو ایله زوجہ سی قدیقو قدینک متوفی یوان ورثہ سی نیقولی اذقادیح ایله علقو قدینه $\frac{۹۷}{۹۹}$ نومرو لی اعلام موجبجه دینلری اولان مبالغ معلومه نك تسویه سی ضمتنده اورته کویده جو یزلک نام محله بشمش اوغلی زقاندہ عتیق ۴۶ و جدید ۴۴ نومرو لی قطعاً متوفی یوان عهده سنده مرهون اولان بر باب خانه لدی المزایده لیرا یوز غروش حسابیله درت بیک اطقوز یوز غروشده طالبی عهده سنده تقرر ایلدیکندن تاریخ اعلانن اعتباراً اوتوز برکون ظرفنده مبلغ مذکور اوزرینه یوزده بش ضمیله طالب اولنلرک بک اوغلی بدایت محکمه سی اجرا دائره سنه مراجعت ایللری اعلان اولنور

فی ۱۲ اغستوس سنه ۹۸

قیوجی استپان اسرائیلیانک نقوله بترویه $\frac{۹۸}{۹۹}$ نومرو لی اعلام موجبجه دینی اولان مبالغ معلومه نك تسویه سی ضمتنده صاری یارده یکی محله ده برنجی باغلی یولی زقاندہ ۴ نومرو لی مدیون مرقومک متصرف اولدیغی واقسان وغیریل عهده لرندہ وفاء مفروغ بولنسان خانہ سی لدی المزایده لیرا یوز غروشدن اوتوز بیک بشیوز غروشده طالبی عهده سنده تقرر ایلدیکندن تاریخ اعلانن اعتباراً اوتوز برکون ظرفنده بدل مذکور اوزرینه یوزده بش ضمیله طالب اولنلرک بک اوغلی بدایت محکمه سی اجرا دائره سنه مراجعت ایللری اعلان اولنور

فی ۲۳ اغستوس سنه ۹۸

طاشچی اصنافندن بدوسک اصناف مذکورندن پاولوسه برنجی حقوق دائره سنندن اعطا قلنان اعلام موجبجه مصارف محاکمہ دن متباقی دینی بولنان مبالغ معلومه نك تأمین استیفاسی ضمتنده مدیونک ساکن اولدیغی یکی قبوده فرقیدی نومرو لی دکاتنده موجود بولنان ایشلمش وقیا اولان طاشلردن دیننه کفایت ایدهجک مقداری مأمور مخصوص معرفتیه تحت حجزہ الندیغندن کله جک طقسان سکر سنه سی ایلولک برنجی چهارشنبه و پنجشنبه وجعه ایرتمی کونلری ساعت درت راده لرندہ مال محجوز دکان مذکورده بالمزایده فروخت اولنه چغندن طالب اولنلر یوم وساعتده اوراده حاضر بولنلری در سعادت بدایت محکمه سی اجرا مأمور یئندن اعلان اولنور

فی ۲۶ اغستوس سنه ۹۸

عزتلو محمد صبجی بکک عققلو خدیجه حوریه خانمه با اعلام شرعی دینی بولنان مبالغ معلومه نك تأمین استیفاسی ضمتنده مدیون میر مومی الیهک غلطه ده قله قبوسنده شاهقولی محله سنده جاده کبیرده واقع بشیوز طقسان التی نومرو ایله مرمر متصرف اولدیغی بر باب اخشاب دکانک تاریخ اعلانن اعتباراً اون بش کون صکره فروختنه تشبث اولنه چغی اعلامات شرعیه اجرا دائره سنندن اعلان اولنور

فی ۲۱ اغستوس سنه ۹۸

مناو اندر یانک صغرقصابی عبد الله افندی یه دینی اولان مبالغ معلومه نك تسویه سی ضمتنده ایوبده قوری قواق جاده سنده ۶۸ نومرو لی بر باب بوستان کوکنده یوز یکریمی سهم اعتبار یله متصرف اولدیغی یکریمی سهم حصه شایعه سی اوچبیک سکر یوز غروش بدل ایله طالبی عهده سنده تقرر ایتکله تاریخ اعلانن اعتباراً اوتوز برکون صکره قرار قطععیسی و یر یله چکنندن یوزده بش ضمیله مزایده طالب اولنلرک بک اوغلی بدایت محکمه سی اجرا دائره سنه مراجعت ایللری اعلان اولنور

فی ۱۲ اغستوس سنه ۹۸

مغریس ولد انس طاشک برنجی حقوق دائره سنندن اعطا قلنان اعلام موجبجه میخانه جی یورکی یه دینی اولان مبالغ معلومه نك تسویه سی ضمتنده مدیونک متصرف اولدیغی کوربکی خاننده آلت قاتده کائن

پشمالجی اوغلنک قرق بش نومرو لی آینه جی مغازه سنه متصل تخمیناً یوز الی ذراع مقداری عرضده اوزرینه مینی قرق التی و قرق یدنی و قرق سکر نومرو لی ایله مرمر بر باب میکده سنك یوز یکریمی سهم اعتبار یله بش سهم حصه سی بولندن اقدم مزایده یه قونیله رق لیرای عثمانی یوز غروشدن التی بیک غروش بدل مقابله نده طالبی عهده سنده تقرر ایلدیکندن یوزده بش ضمیله بولندن مزایده طالب اولنلرک تاریخ اعلانن اعتباراً اوتوز برکون قدر در سعادت بدایت محکمه سی اجرا مأمور یئنه مراجعت ایللری اعلان اولنور

فی ۲۵ اغستوس سنه ۹۸

طولبه جی محمد اغانک حسن اغایه $\frac{۹۹}{۱۱۹}$ نومرو لی اعلام موجبجه دینی اولان مبالغ معلومه نك تسویه سی ضمتنده داین یدنده مرهون اولان بر عدد صاقو و بر عدد جامدان و بر عدد پوطور و بر عدد نحاس سینی و بر عدد قپوط و بر عدد ستره اشبو اغستوسک یکریمی در دنجی صالی کونی ساعت التیده طوبخانه جوارنده واقع بات بازارنده بالمزایده فروخت اولنه چغی بک اوغلی بدایت محکمه سی اجرا دائره سی طرفندن اعلان اولنور

فی ۱۴ اغستوس ۹۸

مغریب اسماعیل حقی افندی بک یعقوب اغایه دینی بولنان مبالغ معلومه نك تسویه سی ضمتنده مدیون مرقومک طرابلس شامده والده و برادر و همشیره لر یله مشترکاً متصرف اولوب ز یرده قیمت تخمینہ سی

اوزرینه کوستریلان املاکده اتیده بر حصه سی
 اولدیغی قیداً تین ایتیش و داینک طلبی اوزرینه
 بوراجه مزایدهیه چیقارلسی قرارشدیرلش اولدیغی
 کبی محلنجه دخی اجرایی اشعار اولدیغنک و املاک
 مذکوره اشبو اعلان تار یخندن اعتباراً اون بش
 کون ختامنده مزایده سنه مباشرت اولنه جنغی
 در سعادت بدایت محکمه سی اجرا مأمور یئندن اعلان
 اولنو طرابلس شام قصبه سنه باب البنانه محله سنده
 ایکی نومرولی و یکریمی بر بیک یوزغروش قیملو بر باب
 معصره مع دکان وینه محل مذکوره سکسان درت
 نومرولی ویدی بیک بش یوزغروش قیملو بر باب
 دکان ونوری محله سنده التمش اوچ نومرولی و یکریمی
 سکز بیک بش یوزغروش قیملو بر باب خانه وینه
 محل مذکوره یوز سکز نومرولی و یکریمی بش بیک
 غروش قیملو دیگر بر باب خانه و محل مذکوره
 تیش ایکی نومرولی و ایکی بیک غروش قیملو بر باب
 مغازه وینه محل مزبورده طقوز نومرولی و بش بیک
 غروش قیملو بر باب دکان وینه محله مزبورده
 ایکی نومرولی و اوچ بیک غروش قیملو دیگر بر باب
 دکان و باب الحدید محله سنده التمش بش نومرولی
 ویدی بیک بش یوزغروش قیملو بر باب خانه و مهابثره
 محله سنده درت نومرولی و اون بر بیک غروش قیملو
 دیگر بر باب خانه وینه محله مزبورده اون نومرولی
 و بش بیک غروش قیملو کذلک بر باب خانه وینه
 محله مزبورده یوز اون درت نومرولی و درت بیک
 غروش قیملو بر باب دکان ورمانه محله سنده درت
 نومرولی و یکریمی درت قیراط اعتبار یله ایکی بیک
 غروش قیملو درت قیراط صابونخانه حصه سی
 جمعاً اون ایکی پارچه اولدیغی

فی ۱۷ اغستوس سنه ۹۸

طهرانده بولسان انطوان کتابچیان افندینک $\frac{۴۹}{۲۱۲}$
 نومرولی اعلام موجنجه مجمیان بغوصه محکوم به
 دینک تسویه سی ایچون حسین اغا محله سنده ترلاباشی
 جاده سنده عتیق ۳۳ و ۳۵ و جدید ۲۷ نومرولی ایله
 مرقم بر قطعه عرصه سی تاریخ اعلان اعتباراً
 اون بش کون صکره بالزایده فروخت ایلدیلجکی
 بک اوغلی بدایت محکمه سی اجرا دأره سی جانبدن
 اعلان اولنور

فی ۲۱ اغستوس سنه ۹۸

رشادتلو شیخ ولی الدین افندینک با اعلام تجاردن
 مصطفی افندی به دینی بولنان مبالغ معلومه نک تأمین
 استیفاسی ضمننده مرهون و فروختی محکوم اولان
 شهر امینی قربنده دکر ابدال محله سنده کائن بر طرفی
 داغستانی حاجی محمد افندی خانه سی دیگر طرفی
 عرفان بک باغچه سی و ارقه جهتی قاضی عسکر محی الدین
 افندی باغچه سی و اوکی طریق عام ایله محدود دروننده
 بر صهرنج و ایکی قیو ایله یکریمی میوه اغاجی و بریر
 او طه سنی حاوی تخمیناً بیک ایکوز ذراع مقداری
 ایکوز اون نومرولی عرصه سنک تمامنک تاریخ
 اعلان اعتباراً اون بش کون صکره بالزایده فروختنه
 تشبث اولنه جنغی در سعادت بدایت محکمه سی اجرا
 مأمور یئندن اعلان اولنور

فی ۱۰ اغستوس سنه ۹۸